

Communicaziun a las medias dals 12 da zercladur 2025

La BCG lantscha in assegn en temp real per pajaments che sortan

La Banca Chantunala Grischuna (BCG) elavurescha pajaments che arrivon immediat gia dapi il mars 2024. Da nov porscha ella era la spediziun da daners en temp real. Quest servetsch è gratuit e stat a disposiziun a las clientas ed als clients a partir d'immediat en lur e-banking.

Tar il pajament da banca usità entaifer la Svizra vegnan ils daners creditads al conto destinatur suenter in pèr uras, il proxim di u anc pli tard – tut tenor, sche l'ordinaziun vegn fatga durant il di, la notg, in lavurdi, la fin d'emna u in auter firà.

Il nov servetsch cun pajament immediat pussibilitescha ordinaziuns da pajament a l'intern dal pajais fin ad in import da 20'000 francs svizzers durant 24 uras al di e tut ils 365 dis da l'onn – inclus las fins d'emna ed ils firads. Quai è surtut in avantatg, sch'ils adressats èn dependents d'ina bunificaziun sperta: Pajaments immediats vegnan per regla creditads entaifer diesch secundas ed il nov saldo stat immediatmain a disposiziun.

Da la moda da pajament gratuita profiteschan las clientas ed ils clients da la BCG gia ussa sur lur [e-banking](#). En l'app Mobile Banking po la funcziun vegnir duvrada pli tard cun la nova versiun che vegn anc elavurada. L'app Mobile Banking futura da la BCG cuntegna ultra da quai diversas autras optimaziuns.

Ulteriuras infurmaziuns davart pajaments en temp real sut gkb.ch/instant-zahlung.

Contact:

Thomas Müller, thom.mueller@gkb.ch, telefon +41 81 256 83 11

Bernhard Kobel, bernhard.kobel@gkb.ch, telefon +41 81 256 88 01

Banca Chantunala Grischuna, chascha postala, 7001 Cuira | medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universala moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patrunas en il chantun. Sia attaschadad al Grischun exprima ella en moda multifara. Ultra da sias activitads economicas s'engascha ella era cun ses sponsoring, ses fonds d'engaschament, sia collecziun d'art e sia lavor voluntara.

La BCG dispona da participaziuns da maioritad da la banca privata Bellerive AG e da la Albin Kistler AG. Plinavant è ella l'acziunaria unica da la BZ Bank Aktiengesellschaft. Il scrit da participaziun da la BCG è quotà a la bursa dapi il 1985. L'onn da gestiun 2024 è il chantun Grischun sa participà cun 103.7 milliuns francs incl. l'indemnisaziun per la garanzia statala (report.gkb.ch).

Termins:

Rendaquint semestril 2025:

31 da fanadur 2025